


AUG 05 2025


 ASSISTANT CLERK OF COURTS
 REPUBLIC OF THE MARSHALL ISLANDS

**IN THE TRADITIONAL RIGHTS OF
THE REPUBLIC OF THE MARSHALL ISLAND**

ZEDKAIA, RALPHO (represented by Royal Ceasar) and BING (represented by Erzy Christopher Bing), Riabnono, v. DAVID and ANTOLOK, Rijumae Abnono.	CIVIL ACTION NO. 2022-01264 HCT/LAND/MAJ UAAK & LOMNAK EO AN COURT EO AN MANIT
--	--

TO: Hon. Carl B. Ingram, Chief Justice of the High Court
Mr. Divine F. Waiti, Esq., Counsel for Plaintiffs
Chief Public Defender Russell Kun, Counsel for Defendant Antolok

I. NAAN IN KOPELLOK

Keij in ear walontak jen wot an rijumae abnono Margaret Tareo Kiluwe komman an kabojrak ikijen an riabnono Talwoj Bing ba bwe ej Alap im Senior Dri Jerbal ilo Jebel Weto ilo pepa in laajrak in bwidej eo ear lemaanlok nan opij eo an Land Registration Authority elkin an jako ilo kilaan mej emaan eo karejeran, Andrew Bing. Itok wot jen an rijumae abnono eo kar komman an kabojrak ak riabnono rein rar wonmanlok wot im jake maanlok abnono in aer ilo High Court eo ilo 2022 eo, im ba bwe lellap eo jinen rijumae abnono eo, Martha Tareo, emoj an kar Irojlaplap Amata Kabua kabojrak e jen an kabwijer maron ko an Alap im Senior Dri Jerbal ion Jebel Weto. Innem tokelik Leroij Atama Zedkaia, eo ear bok jikin im binej jenkwon Irojlaplap Amata, ear ajelok maron kein nan Andrew Bing, eo karejeran riabnono Talwoj Bing im emoj an jako.

II. KAJITOK AK UNIN ABNONO EO

Abnono in ear itok nan Court in jen Order¹ eo an High Court eo ilo 2024 eo. Kajitok eo imaan Court in ej nan bukot won, ikotaan riabnono Talwoj Bing, im emaan eo nejin, Erzy Christopher Bing, ej jijet ilo etan (riabnono), im rijumae abnono Margaret Tareo Kiluwe, im emaan eo jatin, Yuki Antolok, ej na-ainikien (rijumae abnono), im ro rej koba lok ilo abnono in aer, ej armij eo ejimwe im ekkar bwe en kabwijer maron ko an Alap im Senior Dri Jerbal ion Jebel (jipeel eo juon “Jabel”) Weto, bukon in Delap, aelon in Majuro, Republic eo an Marshall Islands (Jebel).

Kin un kein rej laajrak ijin lal, Court in ej loe bwe riabnono Talwoj Bing, im emaan eo nejin, Erzy Christoper Bing ej itok ilo etan, ej armij eo ejimwe im ekkar bwe en kabwijer maron ko an Alap im Senior Dri Jerbal ion Jebel.

III. IAKWELEL KO AN PADRE KO

Kin pepa im naan in kamool ko jakimantak jen ibben pade kein jimor ilo ien ronjake eo ear komman ilo June 11, 2025, Court in ej liniri melele kein remool im rej laajrak ijin.

A. Melele ko Remool im Padre Kein Jimor Rej Erra Kaki

PadRe kein jimor rej erra ibben dron ke Leroij Esther Zedkaia ej kabwijer eo an Iroiylaplap ion Jebel. Ro im rar kabwijer maron moktalok jen e ekkar nan laajrak, ej Iroiylaplap Lein Zedkaia, Iroiylaplap Jurelang Zedkaia, Leroij Atama Zedkaia, im Iroiylaplap Amata Kabua.

B. Iakwelel ko an Rijumae Abnono Eo

1. Rijumae Abnono eo ej ba bwe ejimwe im ekkar bwe en kabwijer maron im title ko an Alap and Senior Dri Jerbal ion Jebel einwot juon kokajriri an Martha Tareo eo ej ri-binej jenkwan. Ej bareinwot ba bwe Martha Tareo ear bok maron kein jen kora eo jinen

¹ Order Referring Questions To The Traditional Rights Court (HCT Ref. Ord., filed Jan. 17, 2024).

ear kokajriri ki, Lisos Kam, eo ej uwan bwij eo eliktata im ear kabwijer maron kein an Alap im Senior Dri Jerbal ion Jebel. Pepa in kamool eo na-etan, Defendant Exhibit B ej einwot juon pepa eo im ear komman jen committee in lale bwidej eo an Irojilaplap Amata Kabua na-etan, Land Commission im ej alikar ro rej kabwijer maron ko ilo tore eo einwot - Irojilaplap Amata Kabua, Iroj in Tel Likitlan, Alap Martha, im Dri Jerbal Margaret. Ej bareinwot alikar laajrak in aat kein, Margaret James, Junior Antolok, Yuki Antolok einwot armij ro jilu rej laajrak imaan nan jolet maron eo an Alap, im Junior Antolok, Yuki Antolok, im Molody Antolok einwot armij ro jilu rej laajrak imaan nan jolet maron eo an [Senior] Dri Jerbal. Pepa eo ej bareinwot bed eltan pein Alap eo ilo tore eo, Martha Tareo, eo im ear kommane pepa in ilo 1996 eo, ekoba ro uwan Land Commission eo, einwot, Takes Henry, Koner Samuel, im Toke Sawej.

2. Rijumae Abnono eo ej ba bwe Martha Tareo ear kabwijer maron ko jimor an Alap im Senior Dri Jerbal ion Jebel lok im tore eo ear bok kakije im jako ilo 2019 eo.

3. Ilo naan in kamool ko an Yuki Antolok, ej alikar ke lellap eo jinen ear jab bok leen borwaj, wonan lease ak ajej in jarom ko an bwidej ilo Jebel itok wot jen an bwilok eo im riabnono rein rej ba Irojilaplap Amata Kabua ear kommane im tokelik Leroij Atama Zedkaia. Ear bareinwot ba bwe Jebel ej imon bwij jen lellap eo jibun, Lisos, innem lellap eo jinen, im kio kora eo jein, Margaret.

C. Iakwelel Ko An Riabnono Eo

4. Riabnono eo ej ba bwe maron ko jimor an Alap im Senior Dri Jerbal rar bed ibben Lisos Kam (Lisos), armij eo eliktata ilo bwij eo an im ear kabwijer maron kein jimor. Riabnono eo ej bareinwot ba bwe Lisos ear ajelok maron kein nan kora eo ear kokajriri ki, Martha Tareo. Pepa in kamool eo an riabnono, na-etan Plaintiff's Exhibit P-1, Lisos

ear kommane juon an kalimur eo im ear ajelok maron ko an ikijen Alap im Senior Dri Jerbal ion Jebel im Lomar Weto – im rej jimor bed ilo bukon in Delap – nan Martha Tareo einwot juon imon kalotlot. Pepa in ej alikar ie ke ear wor erra kake jen ibben Iroiylaplap Amata, Iroiyledrik Melon David, im ri-kamool eo, Iroiylaplap Jurelang Zedkaia, ear bareinwot likit eltan pein ilo pepa in einwot ke ilo tore eo ear juon eo ej ri-kojbarok im ri-lale bwidej.

5. Riabnono eo ej ba bwe mekarta Martha Tareo ear kabwijer maron kein an Alap im Senior Dri Jerbal ion Jebel iumin juon tore, ak ear likjab ilo wawein an makitkit ekkar nan mantin Majol. Riabnono eo ej ba bwe Martha ear likjab im bwor nae Iroiylaplap Amata Kabua kin wot an kar:

- i. kamijak im kolelnon armij ro ilo Jebel ilo an kommane teltel in borwaj ko ak ejelok an konanik lok e kake; im
- ii. boke koj eo an Iroiylaplap ikijen kolla ko an lease ilo Jebel elkin an tele jen ibben Andrew Bing; im
- iii. komelim an Wilfred Irwaki Kendal ekkal ion Jebel ilo an jab kepaak im konanik lok e ak bok melim eo an.

6. Kin menin, Iroiylaplap Amata Kabua ear kommane ruo pepa ko im rekar bok maron ko jen ibben Martha im kabojrak an teltel borwaj im kolla ko an bwidej ko rej lease jen armij ro rej jukjuk im amnak ion Jebel im Lomar Weto. Pepa in kamool eo an riabnono eo, na-etan Plaintiff Exhibit 2 ej alikar ke ear wor juon naan in kean jen ibben Iroiylaplap Amata ilo 1989 eo nan aolep ro rej jukjuk im amnak ilo Jebel im Lomar Weto nan kabojrak aolep teltel ko rej kommani nan borwaj ko kajojo mae juon ien E, ak eo enaj jitone, enaj bar kalikare. Ilo pepa in kamool eo an riabnono na-etan, Plaintiff Exhibit 3,

ej bar alikar ke ej juon leta Amata ear je ilo 1990 eo nan Andrew Bing, eo karejeran riabnono eo, bwe en komman kolla ko ikijen lease eo aer ilo ruo wot koj – Irojlaplap im Irojedrik – im ej kwalok ilo bar juon wawein ke en bojrak im jab kommane koj ko an Alap im Senior Dri Jerbal.

7. Rikamool eo an riabnono eo, Commissioner Wilson Note, ear kamool einwot juon eo erito im wor an melele kin mantin Majol. Ear ba bwe iumin manit kein, jibakwe, tome wa, bwilok, im lia, ewor an Irojlaplap eo maron in ajelok maron ko an Alap im Senior Dri Jerbal jen ibben juon armij nan bar juon ilo an wor un ko rekkar iumin manit.² Bwor im likjab ko an Martha nae Irojlaplap eo im rej laajrak iumin melele ko rej alikar ilo iumin nemba 5 rej, ekkar nan e, jet jekjek im wawein ko kommani nae manit im remaron komman menin an juon Iroj jolok ak buk maron ko ion bwidej.

8. Ilo 2007 eo, riabnono eo ej ba bwe maron ko im emoj kar buki jen ibben Martha Tareo rekar ajilok nan ibben Andrew Bing im ajri ro nejin kin juon kalimur eo Leroij Atama Zedkaia ear kommane einwot juon eo ear bok jikin im binej jenkwana Amata Kabua einwot Irojlaplap eo an Jebel. Pepa in kamool eo an riabnono eo na-etan, Plaintiff Exhibit P-4, ej einwot juon pepa in komman koon ikotaan Leroijlaplap Atama Zedkaia einwot juon eo ej kabwijer maron ko an Iroj, Alap im Dri Jerbal ilo Jebel, ibben Andrew C. Bing. Ej alikar ilo pepa in ke maron ko an Alap im Dri Jerbal ion Jebel im emoj ajilok nan e, ej bareinwot alikar eltan pein ro rar maron tokelik im rekar bok jikin Leroij Atama ilo laajrak, einwot, Irojlaplap Lein Patrick Zedkaia im Irojlaplap eo rainin,

² *bwilok* ej walok einwot kaje kin jolok ak buk maron ko ak maron in jolet eo ilo bwidej kin un ko rekkar iumin manit; *jibakwe* ej jekjek eo ej walok nan juon iroj ak bwij eo an iroj eo emoj an luuj ilo tarinae im jako maron ko an ion bwidej im armij ro droon; *tome wa* walok ne ej jako an juon mool im jerbal nan iroj eo an kinke emoj an oktak nan iroj eo juon ilo toreen tarinae. Ilo lukin ukok eo ejimwe ej ne juon ej to jen juon tima ak wa im uwe lok na ion bar juon. Wawein in ej komman an wor kaje ko einwot jilkinlok juon ak aolepen bwij eo jen bwidej eo, ak jolok jen laajrak in jolet; *lia* ak *kaliaik* ej juon ian kaje ko iumin manit im ej walok ilo an jibakwe ak bwilok juon bwij, kojenolok jen ro ilo bamle ak jukjuk-im-bed eo ak emaron jako jen laajrak in jolet eo an bwidej, ak jolok ak buk maron ko an jen bwidej.

Leroij Esther Zedkaia. Im pepa in kamool eo an riabnono eo, na-etan plaintiff Exhibit P-6, ej bar alikar ke ej juon pepa in kajitok ajej in jarom ko an ro rej kabwijer maron ion bwidej jen Christopher Bing ilo 2013 eo, nan an bok ajej eo an [Senior] Rijerbal (jipeel ko jet, Drijerbal ak Dri Jerbal) ikijen ajej ko an jarom ilo Jebel. Ej alikar eltan pein Irojlaplap Jurelang Zedkaia, Irojdedrik Wemman Ceasar, im Alap Talwoj Bing/Andrew Bing ilo pepa in kajitok in.

9. Ilo pepa in kamool kein an riabnono eo na-etaer, Plaintiff Exhibit P-7 (pepa in rie ajelok eo an maron ko an Alap im Senior Dri Jerbal ion Jebel jen Irojlaplap Lein ilo 2017 eo), P-8 (pepa in rie ajelok eo an maron ko an Alap im Senior Dri Jerbal ion Jebel jen Irojdedrik Wemman ilo 2017 eo) im P-12 (juon leta jen Leroij Esther nan Yuki Antolok ej komeleleik an jako maron ko an Alap im Senior Dri Jerbal jen Martha Tareo), ej alikar ilo aolep pepa kein bwe kajojo ian ro ilo laajrak in Irojlaplap im Irojdedrik rar kalikar aer erra kake an etal maron kein an Alap im Senior Dri Jerbal jen Martha Tareo nan Andrew Bing im ajri ro nejin.

10. Ilo naan in kamool ko an riabnono eo, ej kwalok ke ejelok kolla in lease ear komman ikijen koj ko an Alap im Senior Dri Jerbal rekar komman im etal nan ibben Martha ak Margaret jen 1990 eo nan kio.

IV. MANTIN MAJOL KO REJELET KEIN IN

A. Bwilok

11. Ilo keij in bwidej ko im rekar komman moktalok, emoj an Court kabine bwe *“...padre eo ej komman an iakwelel iumin juon mantin Majol ej an eddo eo nan kamool bwe ewor an mantin Majol eo bedbed im ejelet un ko ilo keij eo.”* Lale Zaion, *et al.*, v. *Peter and Nenam*, 1 MILR (Rev.) 228, 232 (Jan. 24, 1991); *Tibon v. Jihu, et al.*, 3 MILR 1, 5 (Apr. 5, 2005). Bareinwot, *“kajitok ko kajojo ikijen manit ej aikuij uak ruo wawein*

ko nan kamool im kabin melele ko ie. Kein kajuon: ewor ke manit ikijen unin kenono eo im kajitok eo ej bedbed ion? Ne ewor, innem kein karuo: ta manit eo? Elane manit eo emoj an bed ilo kakien ko ak erom bedbed in juon jemlok an jikin ekajet eo, innem enaj erom juon kien ekkar nan wawein ko rej walok raan kein.” Lale Jack v. Hisaiah, 2 MILR 206, 209 (Dec. 23, 2002).

12. Ilo keij eo an *Jack v. Hisaiah*, jemlok eo an TRC im High Court eo ear erra kake, Supreme Court eo ear kabine lok ilo an kar wanlonlok wot kin un eo ke riabnono eo ear jabmaron kalikar kin kein kamool ko ke bwidej eo ilo keij eo ej an bwij im ej aikuij loor laajrak in jolet eo im ej kemlet bwe maron ko ion bwidej rej etal nan ro nejid. TRC eo ear ba bwe ejkab wor kain keij root eo im kora eo ibben Alap eo emoj am jako ej rijolet ikijen maron ko an einwot juon Alap. Ilo aer kommane jemlok eo aer, TRC eo ear mokta etale im loe bwe bwidej eo ear juon eo kar wiaiki nan e eo im emoj an jako, im bamle eo an. Ilo aer loe un im jemlok eo, TRC eo ear ba bwe mekarta ej juon jekjek eo ejjab loor laajrak in jolet ko ion bwidej ekkar nan manit, ak einwot juon bwidej emoj wiaiki, im eo emoj an jako ear wiaiki nan “...bamle eo an...” einwot - kora eo ibben im ajri ro nejn - rej ro im rej rijolet e bwidej eo ilo tore eo ear wiaiki, innem einwot ke ej kora eo ibben eo im ear mour wot ilo tore eo, Tokiko Hisaiah, ej e eo kile bwe ejimwe im ekkar bwe en jolet im bok jikin lollap eo ibben einwot juon Alap.

13. Ilo keij in ej oktak jidrik einwot ke bwidej eo kenono kake ejjab mon wia ak imon aje ak kalotlot. Ijo wot ke, Court in ej loe bwe kein kamool ko rej kwalok bwe Andrew Bing im Talwoj Bing rej alikar einwot ro rej jimor Alap ilo kein kamool eo an riabnono eo na-etan plaintiff Exhibit P-6, eo im ej bed eltan pein Irojilaplap Jurelang im Irojiedrik Wemman ilo 2013 eo. Ejelok kein kamool eo jake maantak ej jumae ak kabwod wawein

in, ekoba ajri ro nejin Andrew Bing im elaptata, Iroiylaplap rein Jurelang im Lein, Iroiiedrik rein Wemman im Ruth, ak Iroiylaplap eo rainin, Leroij Esther.

14. Bareinwot, riabnono eo ej ba bwe ear wor bwilok ear komman nae Martha Tareo, armij eo imaantata ear etal ajelok eo an Jebel nan e jen Iroiylaplap Amata ilo kajitok eo an armij eo eliktata ilo bwij eo, Lisos. Court in ej loe bwe naan in kamool ko an Yuki Antolok, emaan eo nejin Martha Tareo, rejimwe im mool. Ear kamool im ba bwe lellap eo jinen ear jab maron bok leen bwidej ikijen tartok in bebe ko an bwidej ak borwaj, kolla ko jen lease ko, ak ko jen ajej in jarom ko an Alap im Senior Dri Jerbal ilo Jebel, itok wot jen aer ba ear wor bwilok – juon wawein eo ejjab erra ke ear bok jikin. Naan in kamool kein elap kunaer ilo kolmenlokjen kake einwot ke ejelok naan ak pepa eo ej lukin kalikar ke ear wor bwilok nae Martha Tareo ijelokin wot an wor juon pepa in karon eo ej kabojrak aolep tartok in bebe ko ilo bwidej ikijen teltel borwaj ko ion Jebel, im juon leta nan Andrew Bing bwe en komman kolla ko ikijen lease eo an nan koj ko wot an Iroiylaplap im Iroiiedrik, juon wawein eo ear komman bwe en bojrak Martha Tareo jen an bok leen jeramon ko jen bwidej eo ilo Jebel.
15. Im ilo tarlep in men otemjej, Court in ej loe bwe mekarta ear ejelok juon enaan ak pepa eo ej lukin kalikar ke ear wor bwilok nae Martha Tareo, ak jekjek im wawein ko jet rej rie kolmenlokjen in ke maron ko an, ilo mool, rar buk jen ibben im kabojrak jen an kojerbali. Ejjab alikar kin un ta ian un kein einwot bwilok, lia, jibakwe, ak tome wa, ak naan in kamool ko ilo keij in rej kalikar wot ke karkan wawein kein rej komman ion bwidej iumin mantin Majol nan jolok maron ko iumin manit, ak karkan oktak ko jen laajrak in jolet maron ko ion bwidej, im rej bok jikier elkin, ak ilo ien en wot, nan boke im ajelok maron ko nan bar juon. *Lale Dribo v. Bondrik, et al.*, 3 MILR 127, 143 (Sept.

14, 2010). Naan in kamool ko an Yuki rej rie melele ko ikijen maron ko aer jako bwe emoj buki.

16. Ejja einwot ilo keij eo an *Dribo v. Bondrik*, ear bar wor oktak ilo laajrak in jolet maron ko ion bwidej ear bok jikin im jemlok eo jimor an TRC im High Court kar kabin ilo Supreme Court eo ilo an wor un ko iumin manit nan an komman bwe en wor oktak in laajrak in jolet eo. Einwot ilo melele ko imaan, kein kamool ko rej kalikar bwe ear wor un ko iumin manit nan jolok im buk maron ko an Alap im Senior Dri Jerbal jen Martha.
17. Enanin 29-30 iio remootlok jen ke ear wor karkan oktak ko rar komman ilo 1989-1990 eo im tore eo Martha ej bok an kakije im jako ilo 2019 eo. An jako maron kein an Alap im Senior Dri Jerbal jen ibben ear wonmanlok wot im jab bojrak ilo an ejelok naan in jumae ak kabojrak kake. Jonan aetok in kitien eo ear bed kake im jab kwalok an abnono ilo naan, ej kalikar ilo juon wawein, ke ear jab melele wot kake karkan oktak eo ear buk maron ko jen ibben ion bwidej eo, ak ear bareinwot wor an melele kake un ko im bedbed ko bwe en bok jikin. Ilo an wor wawein in, ajri ro nejin rej aikuij kar wor aer melele kake, im ne ear ejelok einwot an Yuki kar ba ilo naan in kamool ko an, innem rej aikuij im ej telokier bwe ren jela einwot ke Martha ear jab bok an jeramon jen teltel ko an borwaj ikijen tartok in bebe ko ion bwidej, jen kolla ko an lease ko, ak jen ajej in jarom ko an ro rej kabwijer maron ion Jebel jen 1989 eo.
18. Im ilo pepa in kamool eo an riabnono eo, plaintiff Exhibit P-1 (kalimur eo ilo 1986 eo im kalikar ajelok eo an maron an Alap im Senior Dri Jerbal nan Martha Tareo) ej alikar iloan bwe Lisos, eo eliktata ilo bwij eo im ear kabwijer maron ko an Alap im Senior Dri Jerbal, ear ajelok maron ko ion Lomar im Jabel (Jebel) nan Martha einwot juon imon kalotlot, ejjab inion bwij einwot an rijumae abnono eo ba. Martha, einwot an

alika ilo pepa eo ej “*eo im men otemjej rej jemlok ibben einwot imon kalotlot.*” Juon imon kalotlot ej imon aje eo lelok nan juon armij eo ear lale Irojlaplap ak Alap eo ilo tore eo ej bed ilo an naninmej im drolol. Lale *Kalemen v. Mejenwa*, (Unreported High Court Civil Action 1982-10, Lemnak in Uak eo an TRC, Jun. 26, 1986).

19. Ilo keij eo an *Kalemen v. Mejenwa*, riabnono eo ear jolet e bwidej eo einwot juon imon kalotlot kin wawein ko ear komman i ilo an kar bed im lale Alap eo ke ear bed ilo an mojno im naninmej. Ejja ilo wawein in wot, Court in ej erra kin melele eo ke Martha ear ri-jolet eo jinoin im ear bed maron ko ion Jebel einwot juon imon kalotlot, ejjab imon bwij. Melim eo jen bwij eo ear jab menin aikuij einwot ilo kar keij eo an *Tibon v. Jihu, et al.*, botap ilo keij eo, bwidej eo kar ajelok einwot kitre ak ilo keij in kio, ej juon ajelok einwot imon kalotlot. Mekarta, ajelok eo nan Martha ear wor melele kake im melim ikijen jen Irojlaplap Amata im Irojiedrik Melon. Ilo wawein in, kin un in ke ajelok eo an Lisos ear wor melim jen ibben Irojlaplap eo, ejimwe im ekkar iumin manit bwe ejja ilo wawein in wot, ebar bed maron eo ibben Irojlaplap eo nan an bar boke melim eo lelok nan e ilo an wor un ko rekkar iumin manit. Wawein in ear bok jikin ilo keij eo an *Clanry v. Zedkaia*, (Unreported High Court Civil Action 2017-026, Lemnak im Uak Eo An TRC, May 18, 2018) ke Court eo ear erra ilo an Irojlaplap eo buk maron ko an Irojiedrik, Alap im Senior Dri Jerbal jen riabnono eo kin un ko rekkar iumin manit.

20. Rikamool eo an riabnono eo, Wilson Note, ear rejetak melele in. Kin menin, Court in ej loe bwe ajelok eo an Jebel einwot imon kalotlot nan Martha Tareo ear juon eo ejimwe im ekkar einwot an riabnono eo ba, ejjab imon bwij ekkar nan naan ko an rijumae abnono eo. Im kin un in, ajelok eo an Jebel einwot juon imon kalotlot nan Martha,

Irojilap Amata emaron in bar korool ak boke jen e kin un ko rekka iumin manit, innem ajelok nan bar juon einwot ilo keij ko an *Kalemen* im *Clanry* in kenono kaki imaanlok.

21. Court in ej bareinwot loe bwe ejelok kein kamool kar jake maantak nan kalikar ke Martha Tareo ear jade lok nan ibben Irojilap Amata ak ro rar maron tokelik ikijen an bar rool maron ko an Alap im Senior Dri Jerbal ion Jebel nan e. Naan in jumae ak kabojrak eo an rijumae abnono eo im ear jebar keij in jen e ej kein kajuon elkin jilinoul iio im ej walontak tarbok in ikijen maron kein an Martha nae rein im rej kabwijer maron rainin.

22. Eliktata, Court in ej loe bwe enanin aolep kein kamool ko rej rie melele in ke wawein ko Martha ear kommani ilo kilen im wawein an kojerbal maron ko ilo aer jab jimwe einwot juon Alap im Senior Dri Jerbal ion Jebel, rej jet un im bedbed ko iumin manit rekka nan an Irojilap Amata buki maron kein jen ibben. Court in ej bareinwot loe bwe ilo an jab lukin alikar ke maron kein rar jako itok wot jen an wor bwilok ak un ko jet iumin manit einwot ke ejjab alikar im walok ilo jeje ilo pepa ko an Irojilap Amata (Exhibit P-2 im P-3), botab tokjen pepa kein ear bok jikin ilo an kar etal maron kein nan lollap eo karejeran riabnono eo, Andrew Bing. Im ajelok eo nan Andrew Bing, Court in ej loe bwe ej juon karkan ajelok bwidej eo im ro rar bok jikin Leroij Atama rej erra kake, ekoba Irojilap eo an Jebel rainin, Leroij Esther.

B. Iroj im jela

23. Juon ian manit ko raurok, iroj im jela, ej walok im alikar melelein ilo kakien eo na-etan Customary Law (Succession of Customary Title, Right, and Interest) (Ralik Chain) Act in 2023 eo bwe ej “...jemlok eo an Irojilap eo ej aikuij lab kile einwot juon kein kamool eo epo lamen, ejimwe, im ej komman ekka nan manit im iminene ko ad,

ijelokin wot ne elukin alikar jen kein kamool ko ke ejjab jimwe.” Lale P.L. 2023-67, Customary Law (Succession of Customary Title, Right, and Interest) (Ralik Chain) Act, 2023, Eon 907(d); *Thomas v. Samson v. Alik*, 3 MILR 71, 74 (2008); *Jorbon v. Michael and Laelang*, (Unreported High Court Civil Action 2023-01720, Opinion of the TRC, Jun. 14, 2024). Ilo keij eo an *Jorbon v. Michael and Laelang*, Court in ear erra ilo jemlok eo an Leroij Kalora Zaion im ba bwe ajelok eo an maron ko an Alap im Senior Dri Jerbal nan riabnono eo ej wor wot kitien elkin an mootlok 40 iio im ilo an ejelok un ko rekkar iumin manit, im ilo an rijumae abnono Irojiedrik eo ba bwe ebed aolep maron ko an bwidej ibben im bwe ebed iroj im jela ibben nan an ukot karokan jemlok eo an Leroij Kalora Zaion, ejjab jimwe im ekkar einwot ke ekakure manit eo na-etan jab komakit drekein jenme eo.

24. Ilo keij in, emoj lelontak ke Irojilaplap eo emaron in buk jen juon alap ak senior dri jerbal maron ko an ilo bwidej ne ej wor un ko rekkar iumin manit. Rikamool eo an riabnono eo im ejjab mottan padre ko ilo keij in, Wilson Note, ear kamool im ba bwe bwor ko emoj enoiki Martha kaki ilo an kojerbal maron ko an rej jet wawein ko, iumin manit, remaron komman menin an Irojilaplap eo buk maron ko jen ibben. Ear bareinwot ba ilo naan in kamool ko an bwe maron eo ebed ibben Irojilaplap eo, ekkar nan manit, nan buk maron kein jen ibben im ajilok nan ibben bar juon ekkar nan jela eo ebed ibben einwot juon iroj, ak iroj im jela. Im Irojilaplap Amata ej armij eo ilo tore eo. Botab ekkar nan kein kamool ko, einwot Irojilaplap Amata ear jab komman jabrewot karkan ajelok maron ko ear buk jen Martha mokta jen an kar jako ilo kilaan mej ilo 1996 eo.
25. Court in ej erra ilo an riabnono eo ba bwe Leroij Atama Zedkaia ear bok jikin im binej jenkwon Irojilaplap Amata im kin menin, ear bareinwot bed ibben maron ko an

Alap im Senior Dri Jerbal ion Jebel. Innem e, einwot kar eo ear kabwijer maron moktalok jen e, ear bed ibben manit eo, iroi j im jela, nan an komman karkan ajelok maron ko an Martha im Iroi jlaplap Amata ear buk jen e nan bar juon. Kein kamool eo na-etan, Plaintiff Exhibit P-4 (kalimur in 2007 eo nan ajelok maron ko an Alap im Senior Dri Jerbal nan Andrew Bing), mekarta ejelet keij in, ewor idabtok ko loi im Court in ear aikui j liniri ibben naan im kein kamool ko jet im padre kein jimor rar limaantak.

26. Rijumae Abnono eo ej ba bwe kein kamool eo an riabnono eo, Exhibit P-4 (kalimur in 2007 eo nan ajelok maron ko an Alap im Senior Dri Jerbal nan Andrew Bing), ejuur jemen-ei eo einwot ke Leroij Atama ear sign (jain) einwot juon Iroi jlaplap, Iroi jedrik, Alap, im Senior Dri Jerbal ilo pepa in. Ijo wot ke, naan in kamool ko rej kalikar lok ke ro rar kabwijer maron tokelik im bok jikin rar kabine ajelok eo an, im ear wor ribinej jenkwon Iroi jedrik eo ilo an jain ilo etan. Court in ej loe bwe Leroij Atama ej alikar ilo tulal in peij 1 in pepa in einwot juon eo ej maron ikijen Iroi jlaplap, Alap im Senior Dri Jerbal, botab ear jain ikijen aolep maron kein emen einwot an walok im alikar ilo page 2 in pepa in. Im ilo ad lukin etale, ej alikar bwe Iroi jedrik eo ilo tore eo, Wemman Ceasar, ej walok etan einwot juon dri-kamool im ejelok eltan pein bwe ear jab jain ilo 2007 eo. Ijo wot ke, Iroi j eo jatin, Royal Ceasar, ear kamool im ba bwe ear jain einwot juon dri-kamool ilo etan. Kin menin, ej alikar bwe aolep ro tellokier jela kake ajelok eo, einwot Iroi jlaplap, Iroi jedrik, Alap im Senior Dri Jerbal, rej alikar ilo kalimur in. Ekkar nan naan in kamool ko an Royal Ceasar, ruo ian Iroi jlaplap ro an Jebel im rar bok maron tokelik, einwot Iroi jlaplap Lein Patrick Zedkaia im Leroij Esther Zedkaia, rar jain tokelik ilo tore ko rej jijet im bok maron eo an Iroi jlaplap, ijelokin wot Iroi jlaplap Jurelang Zedkaia, im ear binej jenkwon im bok jikin Leroij Atama.

27. Court in ej loe bwe elkin an mootlok jiljino iio ko, ilo 2013 eo, Iroiylaplap Jurelang Zedkaia im Iroiyledrik Wemman Ceasar, rekar jimor im kotlok im kowappen e kajitok eo ikijen koj eo an Senior Dri Jerbal eo an Jebel ilo ajej ko an jarom ilo bwidej nan Christopher Bing. Im einwot ej walok im alikar ilo pepa in etan im eltan pein Andrew Bing einwot juon eo ej kabwijer maron eo an Alap ion Jebel. Ej walok im alikar ilo pepa in kamool eo an riabnono eo, plaintiff Exhibit P-6 (pepa in ajej jarom). Court in ej bareinwot loe bwe pepa in kamool ko an riabnono eo, Plaintiff Exhibit P-7 (pepa in rie ajelok eo an maron ko an Alap im Senior Dri Jerbal ion Jebel jen Iroiylaplap Lein ilo 2017 eo) im P-8 (pepa in rie ajelok eo an maron ko an Alap im Senior Dri Jerbal ion Jebel jen Iroiyledrik Wemman ilo 2017 eo), rej kalikar lok an Lein Patrick Zedkaia im Wemman Ceasar, einwot Iroiylaplap im Iroiyledrik, kar jain im droor eltan peierro ilo pepa kein nan lukin kalikar im kabin aer rie karkan ajelok eo ikijen maron ko an Alap im Senior Dri Jerbal nan Andrew Bing.
28. Court in ej loe bwe elap ien im ewor an Martha maron nan an kar jibarok lok Iroiylaplap rein an ilo tore ko rej jijet ikijen an maron kein rool nan e. Court in ej kile ke emaron kar etal elkin wot an kar Iroiylaplap Amata buk maron kein jen ibben. Im tokelik, emaron kar jibarok lok Leroij Atama elkin wot ien eo Iroiylaplap Amata ear kiilok mejen ilo 1996 eo, im elkin an komman pepa in kamool kein riabnono eo ear jaki maantak, einwot Plaintiff Exhibit P-4 (kalimur eo nan ajelok maron ko an Alap im Senior Dri Jerbal nan Andrew Bing) ilo 2007 eo, P-6 (pepa in ajej jarom) ilo 2013 eo, P-7 (pepa in rie ajelok eo an maron ko an Alap im Senior Dri Jerbal ion Jebel jen Iroiylaplap Lein) im P-8 (pepa in rie ajelok eo an maron ko an Alap im Senior Dri Jerbal ion Jebel jen Iroiyledrik Wemman) ilo 2017 eo. Ak ear jab jen jinoin an jako maron kein jen ibben ilo

1989 eo im ilo kajojo iio kein rej laajrak imaan im ej alikar an dredrelok kommane karkan ajelok eo nan Andrew Bing. Ej juon jekjek im wawein eo ejjab jimwe im ekkar iumin manit ilo an komman an abnono kio elikin juon tore eo aitok.

29. Ilo tarlep in aolepen pepa im naan in kamool ko jaki maantak nan Court in, ej alikar bwe mantin Majol eo, iroj im jela, ear bok jikin ilo an kar maron ko an Alap im Senior Dri Jerbal etal jen Martha ilo 1989 eo im tokelik, etal nan Andrew Bing ilo 2007 eo. Ewor 30 jima iio remootlok jen tore eo maron kein rar jako jen ibben Martha im 15 iio jen ien ear etal maron kein nan Andrew Bing mokta jen an itok keij in nan jikin ekajet eo. Emoj an bin im alikar karkan maron kein iumin juon tore eo eaitok. Kin menin, ilo an ejelok un ko rekkar iumin manit, ejjab jimwe bwe juon en ukot karkan maron ko emoj komman koon kake ion bwidej ak komakit drekein jenme eo. *Id.*, lale *Thomas v. Samson v. Alik; Jorbon v. Michael and Laelang*.

C. Jab Komakit Drekein Jenme Eo

30. Ilo an mootlok 30 im 15 iio ko ikijen an maron kein kar etal jen ibben Martha innem tokelik, etal ibben Andrew ekkar nan iroj im jela, ej juon men eo enaj kakure manit ne enaj oktak ekkar nan mantin Majol eo, jab komakit drekein jenme eo - manit eo im ej bobrae an komman oktak ko iumin manit ilo an ejelok un ko rekkar im jemlok eo jen ibben Irojlaplap eo emoj an bok jikin iumin juon tore eo elap an aitok. Lale *Kabua v. Reimers*, (Unreported High Court Civil Action 2021-00767, Final Judgment Granting Defendant's Motion for Summary Judgment, Aug. 3, 2022).
31. Ilo keij eo an *Kabua v. Reimers*, Court eo ear ba bwe elkin an mootlok 26 iio ko ilo an eo im jeban bamle eo jutak likin im erra kake karkan laajrak eo emoj an bok jikin, ilo an mootlok juon tore eo eaitok, karokan laajrak eo im emoj an bok jikin ejjab maron

oktak. Mekarta bedbed eo ilo keij eo ear komman ikijen kakien im ikijen common law eo na-etan laches ilo kajin English, Court eo ear bareinwot ba bwe ilo an kar armij eo eritolok jen riabnono eo jijet kake im erra ilo karokan laajrak in jolet eo iumin juon tore eo elap an aitok, ej melelein bwe emoj an kupel e ilo ejja jekjek eo im ejjab maron in kio ukote. Court in ej loe bwe ilo keij in, emoj an mootlok 30 jima iio ko im ilo eja wawein in wot, rijumae abnono eo emoj kupel e ilo wawein an lellap eo jinen kar erra ikijen im jab komman an abnono kake maron ko an rekar buk jen e. Court in ej loe bwe ilo an nej komman oktak ko rainin, enaj juon wawein eo ejjab jimwe im enaj rube manit eo, jab komakit drekein jenme eo.

32. Im ej alikar bwe ro rar kabwijer maron eo an Irojilaplap elkin Irojilaplap Amata im Leroij Atama, ekoba Irojiedrik ro, rar rie karokan ajelok eo. Im ilo wawein in, karok eo an Irojilaplap Amata ilo an kar boke maron ko jen ibben Martha 30 jima iio ko remootlok ejjab maron oktak kin un in ke ear buki ilo an wor un ko rekkar iumin manit. *Lale Thomas v. Samson v. Alik; Jorbon v. Michael and Laelang; Rusin v. Kabua*, et al., (Unreported High Court Civil Action 2023-00953, Opinion of the TRC, Jul. 7, 2025).

33. Im ejja ilo wawein in wot, jemlok ak koon eo Leroij Atama ear kommane ilo an kar ajelok maron kein nan Andrew 15 iio ko remootlok ej juon karkan ajelok eo emoj an bin im alikar iumin manit. Ej juon jekjek im wawein eo enaj rube mantin Majol eo na-etan, jab komakit drekein jenme eo, ilo an rijumae abnono eo komman an kabojrak elkin an mootlok juon tore eo elap an aetok im ilo an Irojilaplap ro kar komman karkan maron kein ion Jebel. Rijumae abnono eo ej aikuij loor wot karok eo an lellap eo jinen ilo an kar erra kake an maron ko ibben jako 30 jima iio ko remootlok.

34. Eliktata, ej alikar ke ear ejelok ilo naan ke ear wor bwilok einwot an komelele ko ilo iumin “A” walok, ijo wot ke, einwot ke Jebel kar ajelok einwot juon imon kalotlot, maron ko ajelok jen lroiylaplap eo remaron bar korool i ilo an wor un ko rekkar. Kaje eo lelok nan Martha ilo an maron ko ibben kar bar buki jen e im ajilok nan Andrew tokelik, rekar komman iumin mantin Majol eo iroj im jela einwot an walok ilo komelele ko iumin “B” imaanlok. Ilo an Martha kar jab komman an abnono ej kalikar an kar erra kake karok eo iumin 30 iio ko, im nan komman abnono elkin 30 iio in an jako maron kein, im 15 iio in an ejelok jumae ikijen an Andrew kabwijer i, ej juon jekjek eo enaj rube manit eo, jab komakit drekein jenme eo im emoj komelele kake iumin “C”.

V. MELELE KO EMOJ LOI IM REMOOL

35. Ilo tu kadu in, Court in ej loe im kamool bwe:
- a) mene naan in bwilok ear jab walok im alikar ilo jeje, tarlep in aolep jekjek im wawein ko rar bok jikier ikijen naan in karon ko rej rie melele ko rej kwalok ke maron ko an Martha rar buk jen e ilo jimwe im ekkar; im
 - b) ilo an mootlok 30 jima iio jen tore eo rekar buk maron kein jen e, im ilo an Martha kar bed im jab komman an abnono kake, ej kalikar bwe Martha ear jela kake im ear bareinwot kotlok in erra kake. Ajri ro nej in rej aikuij loor wawein in im karok in an lellap in jineer; im
 - c) ajelok eo an Leroij Atama ej wor wot kutien einwot an kar komman iumin manit eo iroj im jela, im ilo an rijumae abnono eo jumae ki elkin an mootlok 15 iio in an maron kein jerbal ion Jebel, ej juon jekjek eo ekakure manit eo na-etan jab komakit drekein jenme eo; im

d) ilo an ejelok un ko rekka iumin manit, jab komakit drekein jenme
eo ej manit eo ej drebij im bobrae an oktak karokan laajrak eo im aetok
kutien an bed elkin an bok jikin im Irojlaplap Amata im Leroij Atama rar
kommane.

VI. NAAN IN KOJJEMLÖK

35. Elkin an Court in liniri aolep kein kamool ko ilo keij in, im bedbed ion mantin
Majol kein rej laajrak im melele ko remool, ej uak im lomnak eo an Court in bwe armij
eo ejimwe im ekkar bwe en kabwijer maron ko an **Alap im Senior Dri Jerbal ion Jebel
ej riabnono Talwoj Bing.**
36. Rijumae Abnono eo im ajri ro jatin rej maron wot jokwe ilo bwidej eo im rej
aikuij jela nae im kautej Irojlaplap im Irojledrik ro. Einwot an kar lellap eo jineer
Martha kar jab jumae aer buk maron jen ibben, im einwot an Irojlaplap ro tokelik rie aer
kar ajelok maron ko nan Andrew Bing, ao eo ilo ad kautej manit im iminene ko an mantin
Majol ej kemlet bwe jen kautej im drebij jemlok ko aer bwe ren bed wot im jab oktak.
37. Im ilo an iroij ro komman karkan bebe ko ion bwidej ko aer im drebij aeneman im
jokane eo ibben armij ro droer, rej aikuij drebij ao eo an mantin Majol im kommani
karkan bebe ko ilo jimwe, tiljek im mool ekkar nan manit im iminene ko ad. Kinke manit
eo in, jooj en jela nae dron im iakwe dron nan drebij aeneman im jokane eo ilo bwidej ko
ad.

Dated: August 5th, 2025.



Grace L. Leban
Chief Judge, TRC



Nixon David
Associate Judge, TRC



Claire T. Loeak
Associate Judge, TRC